



2021-y. «15» июль

№ 06-06/4-494

«\_\_» \_\_\_\_\_ 2021 г.

**Қорақалпоғистон Республикаси  
халқ таълими вазири, Тошкент шаҳар халқ  
таълими бош бошқармаси ва вилоятлар  
халқ таълими бошқармалари бошлиқлари  
ҳамда вазирлик тасарруфидаги  
иختисослаштирилган  
давлат умумтаълим мактаблари  
раҳбарларига**

Ўзбекистон Республикаси Олий Мажлис Сенатининг 2021 йил 25 июндаги “Маҳаллалардаги ҳолат, аёлларнинг ҳуқуқ ва манфаатларини ҳимоя қилиш, тадбиркорликни қўллаб-қувватлаш, аҳоли бандлигини таъминлаш масалалари тўғрисида”ги СҚ-325-IV-сон қарори 3-банди 6-хатбошига мувофиқ маҳаллий ҳокимликлар билан биргаликда ҳар бир туман ва шаҳарда қизларнинг истеъдодларини рўёбга чиқаришга кўмаклашадиган **“Бибиҳоним мактаблари”**ни ташкил этиш вазифаси топширилган.

Шу муносабат билан, Сиздан:

умумий ўрта таълим муассасаларининг ижтимоий-сиёсий, маънавий-маърифий билимларга, обрў-эътиборга эга бўлган, фаол, фидойи ҳамда катта тажрибага эга бўлган малакали мутахассисларини “Бибиҳоним мактаблари” фаолиятига жалб этишда кўмак бериш;

ўқув машғулотларини ташкил этишда ўқув муассасалари синф хоналари ва залидан самарали фойдаланишда кўмаклашиш;

ўқув машғулотларини ўтказиш юзасидан режалар ва дастурларни ишлаб чиқиш ҳамда ўқув машғулотларини ташкил этишда замонавий шакл ва услублар, илғор педагогика, ахборот-коммуникация ва инновация технологияларини жорий этишда иштирок этиш;

“Бибиҳоним мактаблари” фаолиятига доир маълумотларни ҳар ой якунида вазирликнинг Ўқувчи ва ёшлар ташкилотлари билан ишлаш бўлимига ([info@xtv.uz](mailto:info@xtv.uz)) тақдим этишингиз сўралади.

Илова: 6 варақда.

**Вазир ўринбосари**

**В.Ражапов**

Ижрочи: К.Исмоилова  
Тел.: (97)751-57-35





**Ўзбекистон Республикаси Маҳалла ва оилани қўллаб-қувватлаш вазирлиги**

**Ўзбекистон Республикаси Халқ таълими вазирлиги  
Ўзбекистон Республикаси Олий ва ўрта-махсус таълим  
вазирлигининг**

**ҚАРОРИ**

**Ҳар бир туман (шаҳар), маҳаллаларда қизларнинг  
истеъдодларини рўёбга чиқаришга кўмаклашиш мақсадида  
“Бибиҳоним мактаблари”ни ташкил этиш  
тўғрисида**

1. Ўзбекистон Республикаси Президенти Ш. Мирзиёев раҳбарлигида 2021 йил 26 февраль куни ўтказилган видеоселектор йиғилишининг 11-сонли баёни, 35.3-банди ижросини таъминлаш, ўсмирлик ёшидаги қизларни ҳаётга тизимли тайёрлаш, уларда турли ҳаётий вазиятларда муносиб қарор қабул қилиш кўникмалари ва етакчилик сифатларини шакллантириш, замонавий касб-ҳунарни эгаллашга бўлган интилишни ривожлантириш мақсадида ҳар бир туман (шаҳар) Хотин-қизлар жамоатчилиги кенгашлари ҳузурида ва фуқаролар йиғинларида “Бибиҳоним мактаблари” ташкил этилсин.

2. “Бибиҳоним мактаблари” фаолиятини ташкил этиш тартиби тўғрисида Низом иловага мувофиқ тасдиқлансин.

3. Белгилансинки:

3.1. “Бибиҳоним мактаблари” жамоатчилиги асосида фаолият кўрсатади.

3.2. “Бибиҳоним мактаблари” фаолиятини самарали ташкил этишга ушбу қарорни қабул қилувчи вазирликлар масъул ҳисобланади ҳамда амалий-услубий жиҳатдан кўмаклашади.

3.3. “Бибиҳоним мактаблари”да ўтказиладиган машғулотларга Зулфия номидаги Давлат мукофоти ва бошқа Давлат мукофотлари ҳамда “Мўътабар аёл кўкрак нишони совриндорлари, ижтимоий-сиёсий, маънавий-маърифий билимларга, обрў-эътиборга эга бўлган, фаол, фидойи ҳамда катта тажрибага эга бўлган тарғиботчи хотин-қизлар, умумий ўрта таълим, ўрта махсус, касб-ҳунар ва профессионал таълим ҳамда олий таълим муассасаларининг тажрибали ўқитувчилари ва психологлари жалб этилади.

4. Ушбу қарорни қабул қилувчи вазирликлар “Бибиҳоним мактаблари” фаолияти юзасидан тўпланган ижобий тажрибалар ва фаолиятидаги аниқланган муаммолар асосида ушбу тузилмани такомиллаштириш чораларини белгилайди.

5. Оммавий ахборот воситаларида ҳамда ушбу қарорни қабул қилувчи вазирликларнинг расмий веб-сайтлари, ижтимоий тармоқлардаги саҳифаларида “Бибиҳоним мактаблари” фаолиятини мунтазам ёритиб бориш тавсия этилсин.

6. Ушбу қарорнинг ижро назоратини ўз зиммамизда қолдирамыз.

Ўзбекистон Республикаси  
Маҳалла ва оилани қўллаб-  
қувватлаш вазирининг  
биринчи ўринбосари



Г.Маруфова

2021 йил «29» апрель  
19 -сон

Ўзбекистон Республикаси  
Халқ таълими вазирининг  
биринчи ўринбосари



У.Шарифходжаев

2021 йил «29» апрель  
30/4 -сон

Ўзбекистон Республикаси  
Олий ва ўрта махсус таълим  
вазирининг ўринбосари



У. Бегимкулов

2021 йил «29» апрель  
30 -сон



**Ҳар бир туман (шаҳар), маҳаллаларда қизларнинг истеъдодларини  
рўёбга чиқаришга кўмаклашиш мақсадида “Бибиҳоним мактаблари”ни**

**ташқил этиш**

**тўғрисида**

**Низом**

**1-боб. Умумий қоидалар**

1. Ушбу Низом “Бибиҳоним мактаблари” фаолиятини ташқил этиш тартибини белгилайди.

2. “Бибиҳоним мактаблари” ўсмирлик ёшидаги қизларни ҳаётга тизимли тайёрлаш, уларда турли ҳаётий вазиятларда муносиб қарор қабул қилиш кўникмалари ва етакчилик сифатларини шакллантириш, замонавий касб-хунарни эгаллашга бўлган интилишни ривожлантириш мақсадига йўналтирилган ўқув машғулотлари ва маънавий-маърифий тадбирларни ўтказиш маскани ҳисобланади.

3. Қуйидагилар “Бибиҳоним мактаблари”нинг асосий вазифалари ҳисобланади:

ўсмирлик ёшидаги қизларни ҳаётга тизимли тайёрлаш;

ҳаётий мақсадни тўғри белгилаш ва муваффақиятга эришиш йўл-йўриқларига ўргатиш;

турли ҳаётий вазиятларда муносиб қарор қабул қилиш кўникмаларини шакллантириш;

қизларда замонавий касб-хунарни эгаллашга бўлган интилишни ривожлантириш;

етакчилик ва ташкилотчилик кўникмаларини шакллантириш;

қизларда муомала маданияти ва нотиклик маҳоратини ривожлантириш;

маънавий-ахлоқий қадриятларни сингдириш;

характернинг ижобий сифатларини ривожлантириш.

**2-боб. “Бибиҳоним мактаблари” фаолиятини ташқил этиш**

4. “Бибиҳоним мактаблари” туман (шаҳар) Хотин-қизлар жамоатчилиқ кенгашлари ҳузурида ва фуқаролар йиғинларида ташқил этилади.

5. Ўзбекистон Республикаси Маҳалла ва оилани қўллаб-қувватлаш вазирлиги:

“Бибиҳоним мактаблари”даги ўқув машғулотларини ўтказиш юзасидан режа ва дастурларни ишлаб чиқишда иштирок этади ҳамда доимий янгилаанишини таъминлайди;

“Бибиҳоним мактаблари” фаолиятини ўқув-методик жиҳатдан таъминлашда «Маҳалла ва оила» илмий-тадқиқот институти билан ҳамкорлик қилади;



ўқув машғулотларининг ўз вақтида, сифатли ва тўлиқ ўтказилиши юзасидан тизимли мониторинг олиб боради ва натижалари бўйича фаолиятни такомиллаштиришга кўмаклашади.

6. Ўзбекистон Республикаси Халқ таълими вазирлиги, Ўзбекистон Республикаси Олий ва ўрта-махсус таълим вазирлиги:

умумий ўрта таълим, ўрта махсус, касб-хунар ва профессионал таълим ҳамда олий таълим муассасаларининг ижтимоий-сиёсий, маънавий-маърифий билимларга, обрў-эътиборга эга бўлган, фаол, фидойи ҳамда катта тажрибага эга бўлган малакали мутахассисларни “Бибиҳоним мактаблари” фаолиятига жалб этишда кўмак беради;

ўқув машғулотларини ташкил этишда ўқув муассасалари синф хоналари ва залидан самарали фойдаланишда кўмаклашади;

ўқув машғулотларини ўтказиш юзасидан режалар ва дастурларни ишлаб чиқиш ҳамда ўқув машғулотларини ташкил этишда замонавий шакл ва услублар, илғор педагогика, ахборот-коммуникация ва инновация технологияларини жорий этишда иштирок этади.

7. Ўзбекистон Республикаси Маҳалла ва оилани қўллаб-қувватлаш вазирлигининг ҳудудий бошқармалари ва туман (шаҳар) бўлимлари:

“Бибиҳоним мактаблари”да ўқув машғулотларининг самарали ташкил этилишини таъминлайди;

ўқув машғулотларга Зулфия номидаги Давлат мукофоти ва бошқа Давлат мукофотлари ҳамда “Мўътабар аёл кўкрак нишони совриндорлари, ижтимоий-сиёсий, маънавий-маърифий билимларга, обрў-эътиборга эга бўлган, фаол, фидойи ҳамда катта тажрибага эга бўлган тарғиботчи хотин-қизларни жалб этади;

ўсмирлик ёшидаги қизларнинг машғулотларда рўйхат асосида иштирок этишини ташкил этади;

марказларда ўқув машғулотларнинг мунтазам ўтказилишини таъминлайди, уларнинг мониторингини юритади ва Ўзбекистон Республикаси Маҳалла ва оилани қўллаб-қувватлаш вазирлигига чораклик, ярим йиллик, йиллик маълумотлар бериб боради.

8. “Бибиҳоним мактаблари”даги ўқув машғулотларини самарали ўтказишни ташкил этиш масалалари маҳалла даражасида — фуқаролар йиғини раисининг оила, хотин-қизлар ва ижтимоий-маънавий масалалар бўйича ўринбосари, туман (шаҳар) даражасида — маҳалла ва оилани қўллаб-қувватлаш бўлими бошлиғининг биринчи ўринбосари, Хотин-қизлар жамоатчилиқ кенгаши раиси, ҳудудий (Қорақалпоғистон Республикаси, вилоятлар ва Тошкент шаҳар) даражада — Қорақалпоғистон Республикаси Маҳалла ва оилани қўллаб-қувватлаш вазирининг биринчи ўринбосари, вилоятлар ва Тошкент шаҳар Маҳалла ва оилани қўллаб-қувватлаш бошқармаси бошлиқларининг биринчи ўринбосарлари, Хотин-қизлар жамоатчилиқ кенгаши раиси, республика даражасида — Ўзбекистон Республикаси Маҳалла ва оилани қўллаб-қувватлаш вазирининг биринчи



ўринбосари, Хотин-қизлар жамоатчилик кенгаши раисининг ўринбосари томонидан амалга оширилади.

9. Марказлардаги ўқув машғулоти режалари Маҳалла ва оилани қўллаб-қувватлаш вазирлигининг ҳудудий бўлинмалари расмий веб-сайтларида эълон қилинади.

### **3-боб. Марказларда машғулоти ташкил қилиш**

10. Маҳалла даражасида — фуқаролар йиғини раисининг оила, хотин-қизлар ва ижтимоий-маънавий масалалар бўйича ўринбосари “Бибиҳоним мактаблари”да ўсмирлик ёшидаги қизларнинг ихтиёрийлик асосида бепул ўқишлари мумкинлиги тўғрисида маълумот беради ва шахсий кўникмаларини ривожлантириш истагини билдирган ўсмирлик ёшидаги қизлар рўйхатини шакллантиради.

“Бибиҳоним мактаблари”да умумий ўрта мактабларининг 6-11 синф, ўрта махсус, касб-хунар ва профессионал таълим муассасаларининг барча босқичлари учун факультатив соат сифатида биттадан гуруҳлар ташкил этилади.

Туман (шаҳар) даражасида — маҳалла ва оилани қўллаб-қувватлаш бўлими маҳаллалар кесимида “Бибиҳоним мактаблари”да ўқийдиган ўсмирлик ёшидаги қизлар рўйхатини кўриб чиқади ва умумлаштиради.

11. “Бибиҳоним мактаблари”да ўсмирлик ёшидаги қизлар қуйидаги йўналишлар бўйича ўқитилади:

- ҳаётий мақсадни белгилаш ва муваффақиятга эришиш;
- вақтни тўғри бошқариш;
- ҳаётий вазиятларда муносиб қарор қабул қилиш;
- шахслараро муносабатларни самарали йўлга қўйиш;
- жамоани бошқариш, етакчилик ва ташкилотчилик кўникмалари;
- муомала маданияти ва мулоқотмандлик кўникмалари;
- нотиклик маҳорати;
- маънавий-ахлоқий қадриятлар;
- шахснинг индивидуал хусусиятлари.

12. Ўқув машғулоти маҳаллалар кесимида ҳамда туман (шаҳар) даражасида ташкил этилади.

Ўқув машғулоти жараёнини маҳалла даражасида — ҳафтада бир кун ва 40 минутдан ортиқ бўлмаслиги, ўқув юкласи ҳажми эса — 18 соатдан кам бўлмаслиги керак.

Туман (шаҳар) даражасида — ўқув машғулоти 1(бир) ойда бир марта ўтказилади.

13. “Бибиҳоним мактаблари”да ўқув машғулоти Ўзбекистон Республикаси Маҳалла ва оилани қўллаб-қувватлаш вазирлигининг Хотин-қизларнинг ижтимоий-сиёсий фаоллигини ошириш бошқармаси томонидан “Маҳалла ва оила” илмий-тадқиқот институти билан ҳамкорликда тегишли йўналишлар бўйича ишлаб чиқилган, “Маҳалла ва оила” илмий-тадқиқот

институту Илмий кенгашида тасдиқланган ўқув режа ва дастурлари асосида ташкил қилинади.

14. “Бибихоним мактаблари”да ўқув машғулотилари ўқитишнинг замонавий шакллари ва усулларида, илғор педагогик, ахборот-коммуникация ва инновацион технологиялардан фойдаланилган ҳолда ўтказилади ҳамда ўқув машғулотиларининг қуйидаги асосий турлари қўлланилади: маъруза, тақдирот, интерфаол семинар, амалий машғулотилар.

Машғулотининг давомийлиги 40 дақиқани ташкил этади.

15. Ўқув жараёни, қоида тариқасида, 20-25 нафардан ортиқ бўлмаган ўсмирлик ёшидаги қизлар иштирокида ташкил қилинади.

16. Маҳалла ва оилани қўллаб-қувватлаш вазирлиги ҳудудий бўлимилари томонидан ҳар йил бошида ўқув режалари етказиб берилади.

17. Ўтказилган машғулотиларнинг доимий мониторинги Ўзбекистон Республикаси Маҳалла ва оилани қўллаб-қувватлаш вазирлигининг ҳудудий бошқармалари ҳамда туман (шаҳар) бўлимилари томонидан амалга оширилади.

“Бибихоним мактаблари”да ўқиб чиққан ўсмирлик ёшидаги қизларнинг натижалари (ижобий ўзгаришлар, муваффақиятлари)ни ҳамда тузилма фаолиятидаги камчилик ва муаммоларни ҳар томонлама ўрганиш ва мониторинг натижаларидан келиб чиқиб, ўқув жараёни янада такомиллаштириб борилади.

18. Ўқув машғулотиларида тўлиқ ва фаол қатнашган қизларнинг салоҳиятидан “Бибихоним мактаблари” фаолиятида самарали фойдаланилади.

#### **4-боб. Якунловчи қоидалар**

19. “Бибихоним мактаблари”да ўқув машғулотиларни ташкил этиш ва ўтказишда фаол иштирок этган мутахассисларни рағбатлантириш, иштирокчилар учун ўқув, тарқатма материаллар ва канцелярия анжомларини харид қилиш билан боғлиқ харажатлар қонун ҳужжатларида тақиқланмаган манбалар ҳисобидан амалга оширилиши мумкин.

20. Ушбу Низом талаблари бузилишида айбдор бўлган шахслар қонун ҳужжатларида белгиланган тартибда жавоб беради.